

嶺南蠹

谷齋翁


詞詞詞



三三三

三三三

三三三



南

齋

詞

馬曰璐撰

中華書局

南齋詞

此據粵雅堂叢書
本排印初編各叢
書僅有此本

南齋詞卷一

祁門 馬曰璐 佩兮

百字令自述

平生堪笑。算浮湛里巷。年華虛擲。却是天公眞解事。未付凌雲雙翮。
疎箔遮門。幽蘭紉佩。自鼓湘靈瑟。有書千卷。落然惟此朝夕。曾幾
酒熟茶香。輕教負了。花底分吟席。嶽色河聲曾攬結。總是閒中蹤蹟。
小婦東方。大兒文舉。豪氣非吾匹。與人無競。頓忘青鏡頭白。

月上海棠

憑闌最好。昏黃後。月初圓。花正滿時候。萬疊千圍。影垂垂。睡容銷酒。
籠烟外。一片波光壓繡。雙禽棲處描難就。認梨花。不似梨花瘦。玉
局飛仙。漫哦吟。問曾知否。西樓曉。尙留殘雲護守。

春去也送春

春去也。樓外夕陽斜。亂擲榆錢。渾不管。多情猶是算楊花。相情到天涯。

河傳

秋日登看山樓

竹院涼漸。袂衣催換。石徑留苔。風爐試茗。愛看遠岫如揩。展秋懷。高樓三五斜行雁。殘陽晚。酒半輕雲卷。秋容易老。還怕後夜重過。葉飛多。

憶故人

懷樊樹嘯齋

江影搖涼。故人同泝澄波去。夜闌清露滴篷窗。想見吟聲苦。遙問兩湖鷗鷺。近中秋。圓蟾極浦。水仙祠冷。伍子山空。看潮何處。

定風波

聽意田談往事

往事驚心叫斷鴻。燭殘香灺小窗風。噩夢醒來曾幾日。愁述山陽笛韻併成空。遺卷賴收零落後。牢愁不畔盛名中。聽到夜分惟掩泣。

蕭寂。一天清露下梧桐。

惜黃花

九日禪
智寺

前朝蕭寺。故宮遺址。撥荒荆。飲寒泉。孤亭同倚。葉響下遙林。雁影沈殘水。畫不到。舊時歌吹。黃花開矣。素秋如此。歎重過。易飄零。滿襟涼思。擁鼻晚鐘前。側帽西風裏。一轉瞬。碧雲千里。

金菊對芙蓉

曲溪招飲莎園時
憑田西曙。俱臥疾。

梵剎題糕。離宮弔古。佳辰回首駸駸。悵無多冷豔。何處幽尋。蕭疎柳老東城曲。重陽展。招我登臨。半池淺水。數聲斷雁。一片秋心。有酒好與頻斟。莫等閒負了。斜日園林。問西風陳蹟。北郭清吟。故人漳浦重來否。怕重來。不似而今。殘花欲謝。涼蟾易缺。短髮難簪。

行香子

憶焦山
舊遊

冠絕平生。那易忘情。好江天。勝處都經。幽襟淡愜。夜閣寒清。有鶴飛

空。梅著夢。月窺櫺。雲影冥冥。鐘韻星星。一追思。詩卷崢嶸。佛燈無盡。山色常青。趁風未起。人猶健。留堪橫。

漢宮春

定案蠶蛾香合。傳是宮中物。因賦。

素旂銀泥。問蟲天舊製。對自何時。詩人向曾掘得。一樣如規。冰蛾蠕動。認春山。八字脩眉。休揭起。鷓鴣斑盛處。妒他蜂蝶雄雌。幾度沉埋天水。歷春鷓鴣秋蟀。歲籥潛移。遙思織官繭館。心字香知。雲垂寶枕。篆網繆。珥後殘絲。還試與。妍粧釵畔。暖金雪裏同攜。暖金盒名

探春慢

柳眼回青。蘭芽吐白。天氣留寒做暖。風驗初三。辰迎涉七。殘雪林陰猶滿。已辦吟筇去。擬約住。春心教轉。剛逢遊伴重來。去年何處亭館。入眼梅紅一翦。早水活雲生。酥香泥軟。誇酒旗高。聽鶯院迴。次第芳蹤難緩。待取收燈後。煙汀外。扁舟堪喚。過却花期。歸來猶認雙燕。

渡江雲

觀吳淞草堂圖。因憶梅泚京師。

井刀誰翦得。浪花滿眼。活脫是鱸鄉。甚高人占取。渺渺瀟瀟。畫裏著茅堂。亭荒釣雪。舊風流總付斜陽。還賸得。眠雲臥月。千載有王郎。

蒼茫。三年白社。兩載東華。攬離愁千丈。億那日。霜題暮葉。雨話閒窗。飛鴻昨遞春來信。說歸來。猶趁梅香。歸未準。吟魂先渡煙江。

蘇養直至層華草堂。句。笛臥松

江明月。發披笠澤歸雲。

掃花遊

春分。

春來幾日。被燕翦輕裁。遽驚如許。珠歌翠舞。又匆匆截斷。社公微雨。寂寞。蹴鞠。寒食歡遊尙阻。莫虛度。把未去韶光。從此重數。芳信成。凄楚。看半在花梢。半歸塵土。華年坐誤。只藏闌刻蠟。不隨飛羽。挑菜前期。恍似佳人再遇。試凝佇。怕錫簫。杏煙吹暮。

如此江山

春日不山堂。

幾回閒覓行春路。催春又聞啼鳥。一徑松聲。千年水品。愁絕吟筇。重到堂高望杳。早江外脩眉。數痕青了。倚遍闌干。海門雲氣自飄渺。清商同理舊曲。悵蠻箋墨暗。總付鴻爪。雨砌催香。霜池換碧。贏得尊前懷抱。春風易老。只楊柳依然。那堪斜照。壁上龍蛇。斷碑埋細草。

相見歡

三月望後一日。喜西晴見。過時朝雨初霽。牡丹正放。

故人藥裏關心。隔秋吟。重到小園聽鳥。已春深。相看好。成一笑。展幽襟。別有一闌花氣。破重陰。

壺中天

坐環溪紫藤花下。

暮春時節。正雨潤芳園。草香苔徑。前度桃花渾不見。一架垂藤相引。樹密牽雲。橋橫隔水。妙處閒能領。蜂喧人寂。遊魚空裏吹影。曾記摘蕊娛賓。依稀還認。是年時風景。只恐黃昏春欲去。漠漠紫煙愁暝。散髮哦詩。深杯喚月。月在前山頂。夜深歸去。袷衣雲氣侵冷。

柳梢青

效許圭
塘體

望裏青帘。梅橫竹亞。露出晴嵐。燕子紅樓。楊花深巷。蝴蝶春衫。幾
回夢倚雲帆。染不就波光嫩藍。秧鼓村村。菱歌浦浦。好箇江南。

邁陂塘

新荷。

愛田田。乍舒還捲。鈿痕初試圓翠。風裳水佩。年時約。又是舊情撩起。
翻嫩紫。看帶荇縈萍。一半平鋪水。眠鷗漫喜。更幾日薰風。一番梅雨。
想見鏡奩裏。參差處。南北東西十里。輕陰堪覆魚戲。天機雲錦還
遲翦。未有畫船來艤。煙檻底。怕香薄。西亭。漸到綃衣碎。風輕露墜。趁
弱柄搖詩。柔絲續夢。已解瀉鉛淚。

疎影

桐影。

交柯疊翠。看晨光著露。初引清致。啜茗林深。絃外音希。時有綠雲潛
委。蕭疎滿地。簾垂午。誤翠羽。參差窗底。愛夜深。淡映明河。雨過嫩陰

如水。還認龍祠舊事。是當年綵筆。憑夢曾寄。怨煞西風。眉月斜時。不與古人同倚。愁來無覓秋聲處。更那料。秋心如此。待好將。一幅煙綃。寫作畫中高士。

點絳脣

水南花墅。同契樹作。

有竹臨窗。秀枝娟色陰陰遍。冷雲一片。吹滿題詩硯。記得曾來。隔水閒亭館。廊腰轉。酒薰花面。斜日春風晚。

澡蘭香 鈿符

輕裁玉篆。巧疊文茸。占却午釵畫永。瑤梁暗裊。翠股雙懸。慣與蘭花相並。早相看。辟覽靈辰。曾壓幽閨鬢影。小小宜人。也似銀旛金勝。底用縈絲作佩。護得粧臺。恁般閒靚。菰香換節。艾碧消年。夢斷楚江明鏡。憶當時。綵鳳銜將。幾向薰風爲整。祇賸得。咒水書朱。翻教愁凝。

揚州慢

雨後登
廬山。

迂徑梯苔。瘦筇支午。碧天喜放新晴。倚闌干半溼。動幾許遙情。已難覓。當年舊跡。四條絃絕。何處絃聲。聽鳴蟬。騷屑。和風吹滿重城。朗吟望極。有脩眉。江外如迎。悵樂府詞工。歌筵夢冷。無限愁生。邈想百年良會。消沈付落日荒亭。看涼雲飛去。林陰移過鷗汀。

長相思

愁中心。悶中心。我有相思一點心。將來作你心。結同心。拆雙心。心字香消幕上心。陶家別有心。

齊天樂

送樊樹歸湖上。

片帆約共雲陰遠。相看已繁愁緒。淡景邀詩。遙情入畫。綠暗前時來路。汀荷苑樹。有花底魚經。柳邊簫譜。水夢山魂。朗吟飛向鏡奩去。湖頭應憶舊侶。正疎篁露滴。如對幽語。病渴文園。耽佳飯顆。算是襟分幾度。離杯漫舉。待潮落江天。片時延佇。直到涼秋。剪燈同聽雨。

惜紅衣

小濟南池
上坐雨

細點分萍。濃烟暗竹。雨來波際。曲檻閒憑。紅衣動涼思。鷗飛鷺立。同
照影。盈盈一水。清致。塵事盡忘。領微微花氣。漁鄉釣里。橫笛披簑。
還尋舊風味。何人載鶴。一舸柳陰隲。不怕粉痕零落。定有采蓮歌起。
又暮霞流影。倒映碧羅叢底。

浪淘沙

風篁

鸞尾舞清陰。槭槭森森。未秋先自有秋心。何況秋來風又起。戛玉篩
金。繼續倚窗琴。似和微吟。故人門外恰相尋。別派洋州留畫本。泉
冷山深。

鵲橋仙

七夕
立秋

魚雲消影。蛛絲牽恨。愁到今年又別。一年一度泛靈槎。恰逗著金風
時節。針樓粉席。人間天上。涼意離情誰說。銀河萬里瀉無聲。聽一

片。墜_三階梧葉。

又_{牽牛花}

碧羅天色。碧羅雲氣。籠著淡花如染。越蜜秋錦小屏風。錯認了星躔一點。娟娟涼露。娟娟殘月。回憶舊時茅店。人閒不是少疏籬。還只怕窗兒雙掩。

霜天曉角_{秋河}

疎杵敲商。看銀河隔牆。隔得鸞飛鵲杳。終不隔。是王昌。微茫秋影涼。溼梧飄怨長。倒瀉小池深處。鬢一陣。藕花香。

雨中花<sub>山館雨
中看桂</sub>

寂寞兩株松樹底。占不到。月中田地。一簇涼雲。一層涼雨。也把瓊珠試。詰曲闌干。邀共倚。怕幾日。瑣奩香碎。水思明朝。山情昨暮。總入閒吟裏。

臨江仙

九日。環溪雨中芙蓉。

圓菊籬邊綻未。嬌蓉池上開多。酒籌詞筆意如何。雁飛窺膩玉。風起浴明波。記得去年今日。竹西亭畔經過。紅萸烏帽惜蹉跎。爲誰雙臉淚。還唱六么歌。

解佩令

秋日。同人坐七峯草亭。

天空鳥過。亭空雲過。碧泠泠。嫩梢千箇。待得秋深奈鎖。日無人同坐。喜清陰。瘦筇分破。行歌也可。醉眠也可。淡襟懷。茶煙一朵。碎影撚金。看不厭。石如裝裹。勝遙山。夕陽錯磨。

訴衷情

寒蟲。

嘤嘤唧唧幾昏黃。所歷盡愁鄉。已是草根無綠。猶自說淒涼。吟欲絕。思偏長。近單牀。鳴機燈暗。弔月闌空。一片風霜。

定風波

見蕪田手蹟有感。

定了風波越輾轉。卽看浩劫歷恆河。東野亡來吟興懶。腸斷。偶披遺墨淚痕多。宿草身名歸寂寞。殘陽神采付煙蘿。不忍頻開好藏弃。休語。才人無命可如何。

南浦 送梅泚入都

三載滯京華。算歸來。未暖鷗邊吟席。梅子雨聲中。孤篷底。曾把朋簪同擘。尊鄉橘市。煙波不解留行客。一舸垂虹。橋下路。怕見冷楓愁夕。如君方朔才高。甚長教乞米。紅塵紫陌。匹馬亂山時。霜風緊。應念玉醪香拆。今來異昔。不堪雙鬢侵寒色。盼得君來。君又去。江上暮雲飛白。

漁父家風 題水簾漁屋

依稀釣罷月來時。雲影漾茅茨。不須更放扁舟去。人臥碧琉璃。邀漁伴。狎漁兒。是漁師。一聲霜笛。兩岸蘆花。飛起鷗鷺。